

**ქუთაისის სააპელაციო სასამართლოს წლიური ანგარიში
საქართველოს ზოგადი ადმინისტრაციული კოდექსის III თავით გათვალისწინებულ
ინფორმაციის თავისუფლების თაობაზე**

„საქართველოს ზოგადი ადმინისტრაციული კოდექსის“ III თავის 49-ე მუხლის თანახმად მოცემულ ანგარიშში ასახულია ქუთაისის სააპელაციო სასამართლოში 2021 წლის 10 დეკემბრიდან 2022 წლის 09 დეკემბრამდე პერიოდში, საჯარო ინფორმაციის მოთხოვნით შემოსული განცხადებების შესახებ ინფორმაცია „საქართველოს ზოგადი ადმინისტრაციული კოდექსით“ დადგენილი წესით.

სასამართლოს მიერ საჯარო ინფორმაციის გაცემა მოიცავს: სტატისტიკურ მონაცემებს, სასამართლოს მიერ მიღებულ გადაწყვეტილებებს, ქუთაისის სააპელაციო სასამართლოში მიღებულ სამართლებრივ აქტებს. ასევე, ინფორმაციას საქმეთა მიმდინარეობის/შედეგის შესახებ.

2021 წლის 10 დეკემბრიდან 2022 წლის 9 დეკემბრის ჩათვლით საჯარო ინფორმაციის გაცემის მოთხოვნით სულ შემოვიდა 193 განცხადება.

ქუთაისის სააპელაციო სასამართლოში შესაძლებელია საჯარო ინფორმაციის მოთხოვნა, როგორც სასამართლოში განცხადების უშუალოდ წარმოდგენით, აგრეთვე ელექტრონული ფორმით, ოფიციალური ელექტრონული ფოსტის kutaisi-appeal@court.ge მეშვეობით, „საქართველოს ზოგადი ადმინისტრაციული კოდექსისა“ და „საჯარო ინფორმაციის ელექტრონული ფორმით მოთხოვნის სტანდარტისა და პროაქტიულად გამოქვეყნების წესის დამტკიცების შესახებ“ საქართველოს იუსტიციის უმაღლესი საბჭოს 2013 წლის 27 დეკემბრის # 1/225 გადაწყვეტილების მოთხოვნების შესაბამისად. პროაქტიულად გამოსაქვეყნებელი ინფორმაციის ფარგლებში, ქუთაისის სააპელაციო სასამართლო თავის ვებ-გვერდზე პერიოდულად ანთავსებს სტატისტიკურ ინფორმაციას.

საანგარიშო პერიოდში, საჯარო ინფორმაციაში შესწორების შეტანის მოთხოვნის შემთხვევა არ დაფიქსირებულა.

ქუთაისის სააპელაციო სასამართლოში, საანგარიშო პერიოდში, საჯარო ინფორმაციის გაცემის მოთხოვნით შემოვიდა 193 განცხადება, რომელთაგან დაკმაყოფილდა 149 მოთხოვნა, ნაწილობრივ დაკმაყოფილდა - 22, არ დაკმაყოფილდა - 22 მოთხოვნა საჯარო ინფორმაციის გაცემის შესახებ.

სასამართლოში შემოსული განცხადებები, შეიცავდა საჯარო ინფორმაციის ერთზე მეტ, უმეტესწილად მრავალ მოთხოვნას. უმრავლეს შემთხვევაში მოთხოვნილი იყო ისეთი ინფორმაცია, რომელზეც სასამართლო სტატისტიკურ მონაცემების აღრიცხვას არ აწარმოებდა. სასამართლოს გადაწყვეტილებების დამუშავება (დეპერსონალიზაცია) და

სტატისტიკური მომაცემების შედგენა ხდებოდა მოთხოვნის შესაბამისად, ხოლო რიგ შემთხვევაში, ასეთი ინფორმაციის არარსებობა გახდა საჯარო ინფორმაციის გაცემაზე უარის თქმის საფუძველი.

გადაწყვეტილება საჯარო ინფორმაციის მოთხოვნის დაკმაყოფილებაზე, ნაწილობრივ დაკმაყოფილებაზე ან/და დაკმაყოფილებაზე უარის თქმის შესახებ მიიღებოდა საქართველოში მოქმედი შესაბამისი კანონმდებლობის საფუძველზე, საჯარო ინფორმაციის ხელმისაწვდომობის უზრუნველყოფასა და ინფორმაციის პროაქტიულ გამოქვეყნებაზე პასუხისმგებელი საჯარო მოხელის მიერ (კანცელარიისა და მოქალაქეთა მისაღები განყოფილების უფროსი).

ქუთაისის სააპელაციო სასამართლოში საქმის წარმოების მიზნებისათვის მონაცემების შეგროვებისას ვრცელდება „პერსონალურ მონაცემთა დაცვის შესახებ“ საქართველოს კანონის მე-3 მუხლის მე-3 პუნქტის „ბ“ ქვეპუნქტი, ხოლო აპარატის მოხელეთა მონაცემების დამუშავება ხდება „პერსონალურ მონაცემთა დაცვის შესახებ“ საქართველოს კანონით გათვალისწინებული წესით. შესაბამისად, საანგარიშო პერიოდში სასამართლოს მიერ პერსონალური მონაცემების გაცემა ხორციელდებოდა მხოლოდ „საქართველოს ზოგადი ადმინისტრაციული კოდექსითა“ და „პერსონალურ მონაცემთა დაცვის შესახებ“ საქართველოს კანონით დადგენილ შემთხვევებში და კანონით გათვალისწინებული საფუძვლებით.

ქუთაისის სააპელაციო სასამართლოში აპარატის მოხელეთა მხრიდან მითითებულ პერიოდში არ გამოვლენილა „საქართველოს ზოგადი ადმინისტრაციული კოდექსის“ III თავის მოთხოვნათა დარღვევისა და ამ საფუძვლით პასუხისმგებელი პირებისათვის დისციპლინური სახდელების დადების ფაქტები.

საჯარო ინფორმაციის გაცემაზე უარის თქმისას ან/და საჯარო ინფორმაციის გაცემის მოთხოვნის ნაწილობრივ დაკმაყოფილების შესახებ გადაწყვეტილების მიღებისას სასამართლო ეყრდნობოდა შემდეგ სამართლებრივ და ფაქტობრივ საფუძვლებს:

1. „საქართველოს კონსტიტუციას“; „საქართველოს ზოგად ადმინისტრაციულ კოდექსსა“ და „პერსონალურ მონაცემთა დაცვის შესახებ“ საქართველოს კანონს.
2. სასამართლოს მოქმედი სტატისტიკური ანგარიშგების ფრომები არ იძლეოდა მოთხოვნილი ინფორმაციის შეგროვების/დამუშავების შესაძლებლობას, ასევე სასამართლოში დაცული არ იყო მოთხოვნილი ინფორმაცია.

ქუთაისის სააპელაციო სასამართლოში, საქართველოს ზოგადი ადმინისტრაციული კოდექსით დადგენილი წესით გასაჩივრდა 1 გადაწყვეტილება საჯარო ინფორმაციის გაცემაზე უარის თმის შესახებ. საჩივარი ნაწილობრივ დაკმაყოფილდა.

„საქართველოს ზოგადი ადმინისტრაციულ კოდექსის“ 38-ე მუხლისა და „საჯარო ინფორმაციის ასლის გადაღების მოსაკრებლის შესახებ“ კანონის შესაბამისად, საჯარო ინფორმაციის ასლის გადაღებისთვის საფასური არ გადახდილა, ვინაიდან განმცხადებლების მოთხოვნის თანახმად ინფორმაცია იგზავნებოდა ელექტრონული ფორმით.

ქეთევან აწყურელი

ქუთაისის სააპელაციო სასამართლოს

საჯარო ინფორმაციის გაცემაზე პასუხისმგებელი პირი

კანცელარიისა და მოქალაქეთა მისაღები განყოფილების უფროსი

მეორადი სტრუქტურული ერთეულის ხელმძღვანელი